

ԳԻՏԱԿԱՆ ՀՐԱՏԱՐ

ԳԻՏԱԿԱՆ ՍԵՍԻԱ՝ ՆՎԻՐՎԱԾ ՎՐԱՍՏԱՆՈՒՄ ՍՈՎԵՏԱԿԱՆ
ԻՇԽԱՆՈՒԹՅԱՆ ՀԱՍՏԱՏՄԱՆ ԵՎ ՎՐԱՍՏԱՆԻ ԿՈՄՈՒՆԻՍՏԱԿԱՆ
ՊԱՐՏԻԱՅԻ ԿԱԶՄԱՎՈՐՄԱՆ 40-ԱՄՅԱԿԻՆ

Բերկրալից օրեր ապրեցին Հայաստանի և Վրաստանի աշխատավորները այս տարվա մայիսի առաջին կեսերին: Երկու ռեսպուբլիկայում էլ Մայիսմեկյան տոնակատարությանը հաջորդեցին հայ և վրաց ժողովուրդների ազգային վերանենդի մեծ տոնի՝ Սովետական իշխանության հաստատման և Կոմունիստական պարտիաների կազմավորման 40-ամյա հոբելյանները: Սրանց հետ միասին այդ նշանավոր հոբելյանների տոնակատարությանը ջերմ մասնակցություն ունեցան սովետական բազմազգ Միության մյուս ժողովուրդները՝ որպես միասնական մեծ ընտանիքի հարազատ անդամներ:

Վրաստանում սովետական կարգերի հաստատման և Վրաստանի Կոմունիստական պարտիայի կազմավորման 40-ամյա հոբելյանը անսահման ջերմությամբ նշեց հայ ժողովուրդը: Վրաց ժողովրդի ազգային այդ մեծ տոնին էր նվիրված նաև դիտական այն սեսիան, որ տեղի ունեցավ մայիսի 16-ին մեր ռեսպուբլիկայի Գիտությունների ակադեմիայի մեծ դահլիճում:

Սեսիան բացեց Հայկական ՍՍՌ Գիտությունների ակադեմիայի պրեզիդենտ, ակադեմիկոս Վ. Հ. Համբարձումյանը: Իր հակիրճ ելույթում նա համառոտակի բնորոշեց այն մեծ ուղին, որ անցել է վրաց ժողովուրդը անցած 40 տարում, Սովետական Միության մյուս ժողովուրդների հղթարական ընտանիքում:

Փառավոր ուղի է անցել վրաց ժողովուրդը Սովետական իշխանության տարիներին, և դրանով հպարտանում է ոչ միայն ինքը, վրաց ժողովուրդը, այլև մեր Միության մյուս ժողովուրդները, — ասաց ակադեմիկոս Վ. Հ. Համբարձումյանը: — Վրաստանը այսօր դարձել է բարձր պարգաճած արդյունաբերության և դյուղատնտեսության ռեսպուբլիկա և իր արժանի ավանդել է ներդրում մեր ընդհանուր գործում՝ կոմունիզմի կառուցման մեջ: Մենք, հայ գիտնականներս, — շարունակեց իր խոսքը Համբարձումյանը, — չատ ենք հետաքրքրվում մեր վրացի գիտնականների հաջողություններով և շարունակ համագործակցում ենք նրանց հետ: Այդ համագործակցությունը օրավուր ավելի սերտ է դառնում և լայն ծավալ ընդգրկում:

Այնուհետև Վ. Հ. Համբարձումյանը «Վրաստանում սովետական կարգերի հաստատման 40 տարին» թեմայով զեկուցման համար խոսք է տալիս Վրացական ՍՍՌ ԳԱ ակադեմիկոս Գ. Ա. Մելիքիշվիլուն, որին ներկաները դիմավորում են ծափահարություններով:

Իր ընդհանրական զեկուցման մեջ ակադեմիկոս Գ. Ա. Մելիքիշվիլին տալիս է նկարագիր այն հսկայական հաջողությունների, որոնք ձեռք են բերել Վրաստանի աշխատավորները Կոմունիստական պարտիայի ղեկավարությամբ՝ տնտեսության և կուլտուրայի զարգացման ապարեզում, անցած չորս տասնամյակներին:

Եվ հիրավի, մեծ են այդ հաջողությունները: Ինչպես սովետական մյուս ռեսպուբլիկաների, այնպես էլ Վրաստանի համար անցած 10-ամյա ժամանակաշրջանը բնորոշվում է տնտեսության ու կուլտուրայի ծաղկմամբ, սոցիալիստական մեծ վերափոխումներով: Այդ տարիները Կոմունիստական պարտիայի լենինյան ազգային քաղաքականության սկզբունքների հետևողական կենսագործման ու դրանց հաղթանակի տարիներ էին, վիթխարածավալ հաջողությունների տարիներ: Այդ են վկայում այն փաստերն ու թվերը, որ բերեց ակադեմիկոս Մելիքիշվիլին իր զեկուցման մեջ: Այսպես, 1960 թվականին արդյունաբերության համախառն արտադրանքի ծավալը, 1913 թվականի համեմատությամբ, աճեց 40 անգամ, այդ թվում խոշոր արդյունաբերության ճյուղերի 6—8

Քյան արտադրանքը՝ 112 անգամ: Վրաստանն այժմ 41 անգամ ավելի քարածուխ է արդյունահանում և 190 անգամ ավելի էլեկտրաէներգիա է արտադրում, քան 1913 թվականին: Թեոպոլիկայում բնակչության ամեն մի շնչին 5 անգամ ավելի էլեկտրաէներգիա է ընկնում, քան հարևան Թուրքիայում: Վրաստանը դարձել է բազմաճյուղ արդյունաբերական ուսպուրիկա: Արդյունաբերության առաջատար ճյուղերից են էլեկտրաէներգետիկաներ, քարածուխներ, մետալուրգիական, հաստոցաշինական, մեքենաշինական, ըխիական, էլեկտրատեխնիկական, գործիքաշինական, սննդիկներ և այլն:

Նշանակալի են հաշտությունները գյուղատնտեսության ասպարեզում: Թեյի պլանացիաները ուսպուրիկայում այժմ զբաղեցնում են 60 հազար հեկտար տարածություն՝ 1921 թվականի ընդամենը 1000 հեկտարի փոխարեն, իսկ տեսակավորված թեյատերերի արտադրությունը նույն ժամանակամիջոցում ավելացել է 285 անգամ: Յոթնամյակի վերջին ուսպուրիկան կարտադրի 200 հազար տոննա թեյատերև: Լուրջ բեկում ապրեց Վրաստանի գյուղատնտեսությունը 1953 թվականի սեպտեմբերյան պլենումից հետո: Վերջին յոթ տարիներին (1953—1960), նախորդ յոթնամյակի համեմատությամբ, Վրաստանը պետությանը ավելի վաճառել է 347 հազար տոննա թեյատերև, 408 հազար տոննա խաղող, 134 հազար տոննա միս և 301 հազար տոննա կաթ:

Կուլտուրական մեծ վերափոխումներ է ապրել վրաց ժողովուրդը Սովետական իշխանության տարիներին: Թեոպոլիկան այժմ ծածկված է դպրոցների, ինստիտուտների և կուլտուր-լուսավորական հիմնարկների խիտ ցանցով: Բնակչության յուրաքանչյուր հազար շնչին ընկնող աշակերտների քանակով Վրաստանը առաջ է անցել կապիտալիստական բոլոր երկրներից: Թեոպոլիկայում բնակչության ամեն մի հազար շնչին 3 անգամ ավելի ուսանող է ընկնում, քան Ֆրանսիայում, 3,6 անգամ ավելի, քան Իտալիայում, 8 անգամ ավելի, քան Թուրքիայում և 18 անգամ ավելի, քան Իրանում: Թեոպոլիկայի մտավորականության շարքերում հաշվվում են բարձրագույն և միջնակարգ մասնագիտական կրթությամբ սովորող քան 300 հազար մասնագետներ: Թեոպոլիկայի գիտական մտքի խոշոր կենտրոնն է Գիտությունների ակադեմիան: Վրաստանում գործում են մոտ 175 գիտահետազոտական ինստիտուտներ, ինքնուրույն կոնստրուկտորական բյուրոներ, յաբորատորիաներ և գիտական այլ հիմնարկներ:

Գիտական սեսիայի մասնակիցները հետաքրքրությամբ լսեցին պատմական գիտությունների դոկտոր Գ. Վարիքյանյանի զեկուցումը Վ. Ի. Լենինի և Սովետական իշխանության ախրապնդումն Անդրկովկասում: Թեմայով: Ուշագրավ մի շարք փաստերի մեջբերմամբ նա նշեց այն վիթխարի դերը, որ ունեցել են ուսուցիչի առաջնորդի ղեկավարությունն ու նրա անմիջական ցուցումները անդրկովկասյան երկր ուսպուրիկաներում Սովետական իշխանության ախրապնդման, և նրանց տնտեսության ու կուլտուրայի զարգացման ասպարեզում:

Հետաքրքիր ու բովանդակալի էր Հայկական ՍՍԻ ԴԱ թղթակից-անդամ Ս. Տ. Երեմյանը զեկուցումը, որը նվիրված էր պատմագրության զարգացմանը Սովետական Վրաստանում: Նշելով այն նախադրյալները, որ ունեցել է վրացական պատմագրությունը անցյալում, զեկուցողը այնուհետև պատմում է գիտության այդ ճյուղի հսկայաքայլ առաջընթացի մասին վերջին չորս տասնամյակներում: Այդ առաջընթացը նախ և առաջ արդյունք է այն նպատակավոր պայմանների, որ գիտության զարգացման համար ստեղծեց Սովետական իշխանությունը: Վրացական պատմագրության զարգացումը սերտորեն կապելով ակադեմիկոս Զավախիշվիլու անվան հետ, Ս. Երեմյանը նշում է այն պրոբլեմները, որոնց վրա աշխատել են վրացի պատմաբանները անցած քառասուն տարիների ընթացքում: Այդ պրոբլեմներից են վրաց ժողովրդի ծագումը, խեթերը և Ուրարտուն, անտիկ ժամանակաշրջանի Վրաստանը, վրացական միջնադարը, Վրաստանի պետականություն, իրավունքի և տնտեսական պատմությունը, Վրաստանի քաղաքական և կուլտուրական կապերը Ռուսաստանի հետ և այլն: Այս պրոբլեմների և սրանց հետ կապված բազմաթիվ հարցերի ուսումնասիրությամբ զբաղվել են նշանավոր վրացի գիտնականներ Ի. Ա. Զավախիշվիլին, Ս. Ն. Զանաշիան, Գ. Ա. Մելիքիշվիլին, Մ. Թեքենիշվիլին և ուրիշներ, որոնք վրացագիտությունը հարստացրել են արժեքավոր շատ աշխատություններով:

Սեսիայում լսվեց նաև բանասիրական գիտությունների դոկտոր Ս. Գ. Արեշյանի ուշադրան զեկուցումը, Վրաստանի վեպի փոխադարձ կապի պրոբլեմը ժամանակակից հայկական և վրացական գրականության մեջ: Թեմայի շուրջը:

Վրաց ժողովրդի 40-ամյա մեծ տոնին նվիրված այս սեսիան, որն անցավ գիտական բարձր մակարդակով, մի անգամ ևս վկայեց եղբայրական այն սերտ կապերի ու բարեկամության մասին, որոնք իրենց սկիզբն առնում են դարերի խորքից:

Վ. Մ.